



LE GOUVERNEMENT  
DU GRAND-DUCHÉ DE LUXEMBOURG  
Ministère d'État

Luxembourg, le 5 janvier 2021

**REÇU**

Par Alff Christian , 09:21, 05/01/2021

Monsieur  
Marc HANSEN  
Ministre aux Relations avec le Parlement  
LUXEMBOURG

**Objet:** Réponse commune de Monsieur le Premier Ministre, Ministre d'État, Madame la Ministre de la Santé, Monsieur le Ministre des Classes moyennes et Monsieur le Ministre de la Sécurité intérieure à la question parlementaire n°3224 posée par l'honorable Député Monsieur Marc GOERGEN au sujet des « mesures sanitaires dans les galeries marchandes ».

Monsieur le Ministre,

J'ai l'honneur de vous faire parvenir en annexe la réponse commune à la question parlementaire n°3224 du 30 novembre 2020 de Monsieur le Député Marc GOERGEN.

Veuillez agréer, Monsieur le Ministre, l'expression de ma haute considération.

Le Premier Ministre  
  
Ministre d'État

**Äntwert vum Här Xavier BETTEL, Premierminister, Staatsminister, vum Här Henri KOX, Minister fir bannenzeg Sécherheet, vun der Madamm Paulette LENERT, Gesondheetsministesch a vum Här Lex DELLES, Minister fir Mëttelstand op d'parlamentaresch Fro n°3224 vum 30. November 2020 vum honorabelen Här Deputéierten Marc GOERGEN.**

Ad 1):

Am Ganze sinn an den 4 Deeg virum 'Black Friday' ronn 90 Kontrollen vun der Police ausgefouert ginn, déi sech net op de Couvre-feu bezunn hunn. Vu dass d'Police déi Kontrollen am Kader vun hirer normaler Surveillance générale de l'ordre public duerchgefouert huet, kann net statistesch separat erausgefiltert ginn, wéi eng sech op Geschäfte a Galerien bezunn hunn.

Ad 2):

De Weekend vum 'Black Friday' selwer sinn an deem Kontext ronn 50 Kontrollen gemaach ginn, awer mat der nämlecher Reserve wéi ënnert ad 1). Vun der Police ass kee Protokoll opgestallt ginn an et gouf der Police och keen Tëscheffall an deem Kontext gemellt.

Ad 3):

D'Generaldirektioun fir Mëttelstand ass am permanente Kontakt mat den Acteure vum Secteur. Fir sécherzestellen, datt d'Distanzen an d'Hygiènesmesuren an den Akafszentren respektéiert ginn, goufen eng Panoplie u Reegelen opgestallt an entsprechend Mesuren agefouert. Esou ass d'Droe vum Mask an den Akafszentren obligatoresch. Zudeem dierfe Butteker mat méi wéi 400 Metercarré Surface net méi wéi ee Client op 10 Metercarré eraloossen. Fir dat ze kontrolléieren hunn d'Akafszentren op verschidde Methoden zeréckgegraff. Hei goufen et virun allem e Comptage vun den eenzele Clientë respektiv eng Limitatioun vun de Parkplazen. D'Regierung huet des Weideren am neie Covid-Gesetz zousätzlech Mesuren agefouert. Esou ass d'Consummatioun vun lessen oder Gedrénks an den Akafszentren explizitt verbuede ginn. Zudeem mussen d'Akafszentren en individuellt Sécherheetskonzept erstellen, dat de Respekt vun den d'Distanzen an den Hygiènesmesurë souwéi eng besser Zirkulatioun sécherstellt.

Ad 4):

Zum Zäitpunkt wou den honorabelen Deputéierten des parlamentaresch Ufro gestallt huet, huet d'Covid-Gesetz eng Limite vun engem Client pro 10m<sup>2</sup> vir all kommerziell Exploitatioun, vun enger surface de vente vun méi wéi 400m<sup>2</sup>, virgesinn. An der Definitioun vun der surface de vente sin d'Galeries marchandes ausgeschloss ginn, par analogie zu der Definitioun vun den surfaces de vente am Gesetz vum 2. September 2011 (« réglementant l'accès aux professions d'artisan, de commerçant, d'industriel ainsi qu'à certaines professions libérales »). Et huet sech awer an der Praxis erweisen, dass et an den Galeries Marchandes zu gréisseren Usammlungen vun Leit an zu Situatiounen vun onvirsiichtegem Verhalen komm ass, wéi z.B. Consummatioun vun lessen oder Drénken ouni Maskenschutz an physescher Distanzéierung. Ett hu sech doriwwer

eraus grouss Waardeschlaangen virun de Geschäfte an den Galeries Marchandes gebild. Aus dësem Grond ass an der Ofännerung, déi säit dem 16. Dezember applicabel ass, virgesinn, dass all Exploitant vun engem Centre commercial, deen eng Galerie Marchande huet, gehalen ass, een sanitairen Protokoll en place ze setzen, fir de Flux vun den Clienten ze reglementéieren an ze kontrolléieren.

Ad 5):

Iwwert déi zwou éischt Wochen vum Dezember konnt kee Pic vun Infektiounen, mee éischer ee Plateau festgestallt ginn, d.h. d'Infektiounen sinn op engem héigem Niveau bliwwen. Op een direkten Lien mat dem Black Friday besteet, ass net méiglech ze soen.

Ad 6) a 7) :

Den Artikel 7, alinéa 2 vum Code de déontologie fir d'Regierungsmemberen gesäit vir: « Il n'y a pas de conflit d'intérêts lorsque le membre du Gouvernement tire un avantage du seul fait d'appartenir à la population dans son ensemble ou à une large catégorie de personnes. » Regierungsmemberen, déi Participatiounen a Firmen hunn, déi an der parlamentarescher Fro viséiert ginn, gehéieren zur « large catégorie de personnes » vu Leit, déi sou Participatiounen zu Lëtzebuerg hunn an zéie kee besonneschen an disproportionnéierte perséinleche Virdeel aus den aktuelle sanitäre Mesuren. Et läit deemno keen Interessekonflikt vir.